

# TAKMIČENJA U ŠKOLSKOJ 2017/2018. GODINI

Takmičenje na nivou medresa  
Islamske zajednice u BiH

## *Arapski jezik*

Dana 19. 3. 2018. godine održano je XVI takmičenje iz arapskog jezika za maturante medresa Islamske zajednice u Bosni i Hercegovini. Domaćin takmičenja bila je Karadžoz-begova medresa iz Mostara. Behram-begova medresa zauzela je prvo mjesto u ekipnom plasmanu, a u pojedinačnom plasmanu Tarik Omerbašić zauzeo je prvo mjesto. Behram-begovu medresu su, pored Tarika, predstavljale učenice Leila Klapić i Edina Poljaković.

## *Engleski jezik*

Na takmičenju maturanata medresa Islamske zajednice u Bosni i Hercegovini iz engleskog jezika Behram-begova medresa osvojila je prvo mjesto u ekipnom plasmanu. U pojedinačnom plasmanu naša učenica Dženita Đulović osvojila je drugo mjesto. Takmičenje je održano u ponedjeljak, 12. marta 2018. godine, u Gazi Husrevbegovoj medresi u Sarajevu.

### *Bosanski jezik*

Na XI takmičenju maturanata medresa Islamske zajednice u Bosni i Hercegovini Behram-begova medresa je zauzela treće mjesto u ekipnom plasmanu. Takmičenje je održano 28. 3. 2018. godine, a domaćin takmičenja je bila Medresa „Osman-ef. Redžović“ Našu školu su predstavljali Medina Kadrić, Nedina Muratović i Nein Mustafić.

## Takmičenja u organizaciji Pedagoškog zavoda TK

### *Fizika*

#### *Kantonalno takmičenje*

Domaćin 23. kantonalnog takmičenja iz Fizike bila je Behram-begova medresa, a organizator je bio Pedagoški zavod Tuzlanskog kantona. Takmičenje je održano 24. 3. 2018. godine. Učenik Behram-begove medrese Tarik Britvarević osvojio je prvo mjesto iz oblasti elektromagnetizma, oscilacija i talasa, s osvojenih 94 boda. Iz oblasti mehanika i termodinamika Enida Fatić zauzela je drugo, Dino Selimović treće i Ismail Brkić četvrto mjesto.

Prvo mjesto naša škola je zauzela i iz oblasti optika i atomska fizika. Učenik Ramo Tursunović osvojio je 45 bodova, te našoj školi donio pobjedu. Ovim sjajnim rezultatima učenici Medrese izborili su plasman na federalno takmičenje.

#### *Federalno takmičenje*

U subotu, 21. aprila održano je 23. federalno takmičenje iz fizike za učenike srednjih škola. Učestvovali su predstavnici 35 srednjih škola iz cijele Federacije Bosne i Hercegovine. Naša učenica Enida Fatić osvojila je treće mjesto u grupi A, mehanika i termodinamika, a učenik Ramo Tursunović osvojio je peto mjesto u grupi C, optika, atomska i nuklearna fizika. Takmičenje su organizirali Društvo fizičara FBiH, Društvo fizičara TK i Pedagoški zavod TK.

### *Biologija*

U subotu, 14. 4. 2018. godine, održano je kantonalno takmičenje iz Biologije za srednje škole. Učenica Medrese Lejla Begunić osvojila je treće mjesto. Domaćin ovogodišnjeg takmičenja bila je Gimnazija Ismet Mujezinović iz Tuzle.

### *Hemija*

Kantonalno takmičenje iz hemije održano u subotu, 21.4.2018. godine, uz učešće 26 srednjih škola. Učenik Medrese Maid Aščić osvojio je prvo mjesto. Domaćin ovogodišnjeg takmičenja bila je Hemijska škola Tuzla.

### *Geografija*

Kantonalno takmičenje srednjih škola iz geografije održano je u subotu, 24. 3. 2018. godine. Domaćin takmičenja bila je Gimnazija Meša Selimović iz Tuzle. Učenik Medrese Emir Čidić osvojio je prvo mjesto, a učenica Jasmina Ejubović plasirala se na drugo mjesto.

### *Historija*

Na kantonalnom takmičenju iz historije, održanom 14. 4. 2018. godine, Amina Čičkušić i Kerima Spahić osvojile su **maksimalan broj bodova**, te našoj školi donijele pobjedu.

### *Projekt građanin*

Na 22. kantonalnom takmičenju iz Projekta građanin, koje je održano 27. i 28. aprila u Teočaku, naša škola je zauzela prvo mjesto. Tema koju je naša ekipa pripremila i obrazložila bila je *Problem skupih lijekova na području Tuzlanskog kantona*. Našu školu na takmičenju predstavile su učenice: Begajeta Šljivić, Nezira Mujčinović, Merima Bajrić, Amina Jakubović, Amila Glavić, Amina Ibišević, Lejla Tabaković i Leila Klapić. Domaćin ovogodišnjeg takmičenja bila je Mješovita srednja škola iz Teočaka.

### *Engleski jezik*

Dana 5. 5. 2018. godine održano je Kantonalno takmičenje iz engleskog jezika u Ekonomsko-hemijskoj školi Lukavacu. Učenik Medrese Dino Ćosićkić osvojio je prvo mjesto u rang učenika I razreda, a Edina Hamidović treće mjesto u rang učenika II razreda.

## Ostala takmičenja

### *HIPPO takmičenju (International English Language Competition HIPPO)*

Učenik Medrese Harun Sulejmanović bio je jedan od 22.000 učesnika koji su odmjeravali snage u poznavanju engleskog jezika na HIPPO takmičenju (International English Language Competition HIPPO), koje se održalo u italijanskom gradu Lido di Jesolu. U finalu se takmičilo 99 učesnika, a Haruna je od pobjede dijelio samo jedan bod. Na takmičenju u Bosni i Hercegovini, koje je prethodilo Hippo takmičenju, Harun Sulejmanović osvojio je prvo mjesto.

### *Regionalno debatno takmičenje*

Regionalno debatno takmičenje održano je 3. 12. 2017. godine u Katoličkom školskom centru u Sarajevu, u organizaciji Centra za kulturu dijaloga Bosne i Hercegovine iz Sarajeva. Debatni klub Behram-begove medrese osvojio je 2. mjesto na Regionalnom debatnom takmičenju, a učenik Alija Mevkić osvojio je 2. mjesto u govorništvu na Državnom debatnom takmičenju.

### *World Scholar's Cup*

Na regionalnom takmičenju World Scholar's Cup, održanom u Sarajevu, Fadil Umihanić, učenik prvog razreda Medrese osvojio je drugo mjesto. U pojedinačnom plasmanu osvojio je treće mjesto u debati, zlatnu medalju na testu, zlatnu medalju u eseju, te grupno prvo mjesto iz interaktivnog kviza. Na World Scholar's Cup završnom takmičenju, održanom u novembru 2017. godine na Yale univerzitetu u Sjedinjenim Američkim Državama, osvojio dvije zlatne i četiri srebrne medalje. Riječ je prestižnom svjetskom takmičenju, koje obuhvata 40 zemalja svijeta i ujedinjuje mlade učenike koji se nadmeću u općem znanju iz nekoliko kategorija: debati, pisanju eseja, testu te interaktivnom kvizu.

### *Finalisti IT Challengea*

Dana 24. marta 2018. godine u Travniku su održane kvalifikacije za peto po redu ekipno takmičenje učenika iz poznavanja informacionih tehnologija pod nazivom IT Challenge 5, za područje

Federacije Bosne i Hercegovine. Domaćin takmičenja bio je Univerzitet Vitez u Travniku. Učestvovalo je 77 ekipa, s ukupno 231 učenicom iz 30 različitih općina i gradova s prostora cijele Federacije Bosne i Hercegovine. Ekipa Behram-begove medrese je zauzela četvrto mjesto te se tako plasirala na finalni IT Challenge kamp koji se održao u Maglaju u periodu od 13. do 15. aprila tekuće godine. Našu školu na ovom takmičenju su predstavljali Faruk Bećirović, Harun Sulejmanović i Amer Jusufović. Organizator ovogodišnjeg takmičenja je Gimnazija „Edhem Mulabdić“ iz Maglaja.

#### *Microsoft Office Specialist takmičenje*

Kvalifikacije za državno *Microsoft Office Specialist* takmičenje održane su u utorak, 17. 4. 2018. godine na Ekonomskom fakultetu u Tuzli. Testirane su vještine učenika iz Microsoft office worda, excela i power pointa. Behram-begovu medresu su predstavljali učenici Mirza Camić i Adis Halilović. Mirza Camić je u ukupnom plasmanu osvojio drugo mjesto, te se plasirao na državno takmičenje, koje se održalo 3. juna ove godine u Sarajevu. Organizator ovog takmičenja u Bosni i Hercegovini je Katedra za Menadžment i informacione tehnologije Ekonomskog fakulteta Univerziteta u Sarajevu.

#### Sportska takmičenja

##### *XIX sportski susreti medresa i gimnazija Islamske zajednice*

Ekipe Behram-begove medrese su bile najuspješnije u malom nogometu i u košarci, i zauzele su prvo mjesto. U atletskoj disciplini trčanje na 800 m najbrži je bio učenik naše škole Eldar Delić. Prvo mjesto su osvojili i Abdulah Šiljić u bacanju kugle i Smajo Ibrahimović u skoku udalj. Viceprvaci su bili Hajrudin Vejzović, u disciplini trčanje na 100 m, i Smajo Ibrahimović na 200 m. Medresa je zauzela i 2. mjesto u ekipnom plasmanu u atletici. Učenik ove škole Izet Jahić zauzeo je drugo mjesto u šahu.

##### *Mlađe juniorsko prvenstvo Bosne i Hercegovine*

Na Mlađem juniorskom prvenstvu Bosne i Hercegovine, održanom 9. septembra 2017. godine, učenici Medrese osvojili su visoko III mjesto u ukupnoj konkurenciji.

### *Dvoransko prvenstvo Bosne i Hercegovine u atletici*

Na dvoranskom prvenstvu Bosne i Hercegovine u atletici, održanom 24. i 25. 2. 2018. godine u Zenici, učenik Medrese Hajrudin Vejzović osvojio je zlatnu medalju u disciplini na 60 metara i drugo mjesto u disciplini skok udalj. Smajo Ibrahimović zauzeo je četvrto mjesto u disciplini skok udalj.

### *Gradsko takmičenje*

Na gradskom takmičenju ekipe Behram-begove medrese osvojile su: I mjesto iz odbojke, nogometa i atletike, II mjesto iz košarke, a na Kantonalnom takmičenju II mjesto iz atletike i košarke.

### *Ulična utrka Vivicita - Tuzla*

Na tradicionalnoj uličnoj utrci Vivicitta - Tuzla 2018, učenik Medrese Muamer Arnautović osvojio je prvo mjesto u kategoriji trčanje na 2 km za srednjoškolce, učenike prvih i drugih razreda. Omer Memić osvojio je drugo mjesto u istoj kategoriji.

### *Međunarodni miting u Osijeku,*

Na Međunarodnom mitingu u Osijeku, mitingu otvorenja sezone, učenik Medrese Hajrudin Vejzović osvojio je prvo mjesto u disciplini na 100 m, s rezultatom 11:43.

### *Državno pojedinačno prvenstvo u atletici za mlađe juniore*

Na Državnom pojedinačnom prvenstvu u atletici za mlađe juniore, održanom 13. 5.2018. godine u Sokocu, učenici Medrese su postigli izuzetne rezultate:

- Abdullah Šiljić - drugo mjesto u disciplini bacanje kladiva,
- Smajo Ibrahimović - drugo mjesto u disciplini skok uvis,
- Muhamed Bekrić – drugo mjesto u kategoriji 2000 STIPL,
- Arnautović Muamer – treće mjesto u disciplini trčanje na 1500 m.

Na Državnom prvenstvu, održanom 2. 6. 2018. godine u Sarajvu, Hajrudin Vejzović je bio najbrži u disciplini 100 metara, čime je postao

*državni prvak u ovoj disciplini, istrčavši ovu dionicu za 11 sekundi i 24 stotinke. Tim uspjehom se plasirao na Balkansko prvenstvo.*

*Državno prvenstvo za mlade juniore u atletici*

Na ovom takmičenju učenik Behram-begove medrese Smajo Ibrahimović osvojio je prvo mjesto u skoku uvis, te je s ovim fantastičnim rezultatom osigurao sebi mjesto državnog prvaka u ovoj kategoriji. Osvojio je i drugo mjesto u disciplini na 200 metara. I drugi naši atletičari su bili u izvanrednoj formi, te su osvojili odlična druga i jedno treće mjesto. Abdulah Šiljić osvojio je drugo mjesto u bacanju kugle i koplja. Muamer Arnautović je osvojio drugo mjesto na 800 m i 400 m prepone. Omer Memić je osvojio drugo mjesto na 3.000 metara, a Muhamed Bekrić treće mjesto u disciplini 2.000 metara.

Najuspješniji učenici u odjeljenjima  
u školskoj 2017/18. godini

<b>RAZRED</b>	<b>IME I PREZIME</b>
Ia	Umihanić Fadil
Ib	Brkić Ismail
Ic	Baturić Halima
Id	Sinanović Lejla
IIa	Selimović Dino
IIb	Smajlović Muhidin
IIc	Fatić Enida
IId	Dervišević Džehva
IIIa	Aščić Maid
IIIb	Britvarević Tarik
IIIc	Abadžić Amina
IIId	Begunić Lejla

Najuspješniji sportista u ovoj godini bio je Hajrudin Vejzović, a najaktivnija čitateljka među učenicima i učenicama Amela Zulić.

### Najuspješnija odjeljenja u školskoj 2017/18. godini

1. mjesto – odjeljenje IIIId, s prosječnom ocjenom 4,54. Nagrada je jednodnevni izlet u radnom danu na području BiH, s plaćenim troškovima prijevoza.
2. mjesto – odjeljenje IIIa, s prosječnom ocjenom 4,47. Nagrada je jednodnevni izlet u neradnom danu na području BiH, s plaćenim troškovima prijevoza.
3. mjesto – odjeljenje Ic, s prosječnom ocjenom 4,35. Nagrada je jednodnevni izlet u neradnom danu na području TK, s plaćenim troškovima prijevoza.
4. Odjeljenje s najmanje izostanaka u toku školske godine je odjeljenje IID, a nagrada je jednodnevni izlet u neradnom danu na području BiH, s plaćenim troškovima prijevoza.